



Komentar monetarnih kretanja za decembar 2020. godine

Ukupna novčana masa (M2) na kraju decembra 2020. godine je iznosila 28,25 milijardi KM, na mjesečnom nivou registrovan je rast za 458,9 miliona KM (1,7%). Rast novčane mase (M2) u decembru 2020. godine rezultat je rasta novca (M1) za 372,7 miliona KM (2,5%) i kvazi novca (QM) za 86,2 miliona KM (1,1%). Novac (M1) povećan je prvenstveno usljed rasta prenosivih depozita u domaćoj valuti za 242,6 miliona KM (2,5%) i rasta gotovine izvan banaka za 130,3 miliona KM (2,6%). Kvazi novac (QM) je zabilježio rast ostalih depozita u stranoj valuti za 81,8 miliona KM (1,1%) i ostalih depozita u domaćoj valuti za 22,3 miliona KM (0,7%) uz istovremeni pad prenosivih depozita u stranoj valuti za 17,9 miliona KM (0,6%).

Na godišnjem nivou porast novčane mase (M2) iznosi 1,92 milijarde KM (7,3%). Rast je ostvaren kod: gotovine izvan banaka za 713,3 miliona KM (16,5%), prenosivih depozita u domaćoj valuti za 1,09 milijardi KM (12,2%), prenosivih depozita u stranoj valuti za 412,2 miliona KM (16,5%) i ostalih depozita u domaćoj valuti za 36,7 miliona KM (1,2%) uz istovremeno smanjenje ostalih depozita u stranoj valuti za 336,6 miliona KM (4,4%).



Protustavka rastu novčane mase (M2) na mjesečnom nivou u decembru 2020. godine u iznosu od 458,9, miliona KM je rast neto strane aktive (NSA) za 299,5 miliona KM (1,9%) i rast neto domaće aktive (NDA) za 159,3 miliona KM (1,3%). Porast novčane mase (M2) na godišnjem nivou od 1,92 milijarde KM rezultat je rasta neto strane aktive (NSA) za 2,06 milijarde KM (14,8%) i smanjenje neto domaće aktive (NDA) za 147,7 miliona KM (1,2%).

Monetarni pregled

	Stanje u mil. KM	Mjesečne promjene u mil. KM			Godišnje stope rasta u %		
	XII 2020	X 2020	XI 2020	XII 2020	X 2020	XI 2020	XII 2020
Aktiva							
1. Neto strana aktiva	16.013,9	245,6	216,1	299,5	11,8	13,2	14,8
1.1. Strana aktiva	18.340,2	201,2	209,1	374,6	6,0	7,3	7,4
1.2. Strana pasiva	-2.326,3	44,4	7,0	-75,1	-21,9	-21,5	-25,4
2. Neto domaća aktiva	12.235,1	-11,1	-51,9	159,3	0,6	-0,3	-1,2
2.1. Potraživanja od centralne vlade (neto), kantona i općina	301,8	46,3	-36,5	173,5	-170,4	-146,2	-274,9
2.2. Potraživanja od domaćih sektora	19.251,8	-17,9	-12,8	-50,7	-1,3	-2,0	-2,6
2.3. Ostale stavke	-7.318,5	39,5	2,6	-36,5	1,0	0,7	1,6
Pasiva							
1. Novčana masa (M2)	28.249,0	234,5	164,2	458,9	6,6	6,9	7,3
1.1. Novac (M1)	15.055,2	183,8	122,2	372,7	12,4	13,3	13,6
1.2. Kvazi novac (QM)	13.193,8	50,7	42,0	86,2	0,8	0,6	0,9

Ukupni krediti

Ukupni krediti domaćim sektorima u decembru 2020. godine iznosili su 20,35 milijardi KM. U odnosu na prethodni mjesec smanjeni su za 53,7 miliona KM (0,3%). Smanjenje kredita registrovano je u sektorima stanovništva za 34,7 miliona KM (0,3%), privatnih preduzeća za 35,1 milion KM (0,4%) i vladinih institucija za 8,1 miliona KM (0,7%). Kreditni rast ostvaren je u sektoru javnih preduzeća za 13,2 miliona KM (2,5%) i ostalim domaćim sektorima za 10,9 miliona KM (7%).

Ukupni krediti na godišnjem nivou prema stanju u decembru 2020. godine smanjeni su za 425,4 miliona KM (2%). Najveće smanjenje kredita registrovano je kod privatnih preduzeća za 445,6 miliona KM (4,9%) i stanovništva za 80,8 miliona KM (0,8%). Rast kredita registrovan je u sektoru vlade za 63,1 miliona KM (5,7%) i javnih preduzeća za 38,1 milion KM (7,7%).

Sektorska struktura kredita u BiH

	Stanje u mil. KM XII 2020	Mjesečne promjene u mil. KM			Godišnje stope promjene u %		
		X 2020	XI 2020	XII 2020	X 2020	XI 2020	XII 2020
Ukupno	20.347,4	38,3	-6,6	-53,7	-0,6	-1,2	-2,0
Od toga:							
Stanovništvo 1)	9.894,8	13,1	-8,6	-34,7	0,2	-0,1	-0,8
Privatna preduzeća 1)	8.588,4	-17,1	1,0	-35,1	-3,7	-4,2	-4,9
Vladine institucije	1.161,2	52,1	8,0	-8,1	8,1	9,2	5,7
Javna preduzeća 1)	535,7	-7,2	2,9	13,2	23,1	7,7	7,7
Kreditni ostalim domaćim sektorima	167,3	-2,6	-9,9	10,9	2,7	1,1	-0,1

Devizne rezerve

Devizne rezerve Centralne banke BiH na kraju decembra 2020. godine iznosile su 13,87 milijardi KM, ostvaren je rast od 348,3 miliona KM (2,6%) u odnosu na prethodni mjesec. Na godišnjem nivou devizne rezerve Centralne banke BiH porasle su za 1,27 milijardi KM (10,1%).

1) Stope rasta su izračunate uzimajući u obzir Odluku o upravljanju kreditnim rizikom i utvrđivanju očekivanih kreditnih gubitaka, slijedom koje su komercijalne banke od 1. januara 2020. godine izvršile preknjižavanje određenih potraživanja iz bilansa u vanbilansnu evidenciju, što se reflektovalo na smanjivanje potraživanja od oko 400 miliona KM u sektorima privatnih preduzeća i stanovništva.